



KOMUNIKADO PA PRENSA

Fecha

12 di desèmber 2013

Account Manager

Jhanirha Anita

Email

jhanirha.anita@gobiernu.cw

Nr.

SERVISIO PA TRÁFIKO I TRANSPORTE TA PARTISIPÁ PROYEKTO PILOTO: SITA OUTOMÁTIKO PA KÙR VEHÍKULO

Willemstad – Minister Balborda di Ministerio di Tráfiko, Transporte i Planifikashon Urbano huntu ku Servisio pa Tráfiko i Transporte ta partisipá na komunidat ku resientemente, un total di 3000 persona a risibí un sita pa kùr outo den un karta na kas. Tur persona ku nan vehíkulo su karchi di kùr ta kaduká entre 9 di desèmber i 6 di yanüari, i ku ta kumpli ku e kriterionan fiha, lo risibí un sita outomátikamente.

Ora un vehíkulo bai kùr i e pasa e proseso di kùr ku éksito, e ta risibí su karchi di kùr, 'keuringskaart'. Riba e 'keuringskaart' aki tin un fecha di vensementu. Na momentu ku e fecha di kùr ta bai kaduká, e doño di e vehíkulo mester traha un sita pa bai kùr e vehíkulo di nobo na e lokal di kùr (keuringslokaal).

Pa fasilitá e proseso di trahamentu di sita i kùrmentu di vehíkulonon, Servisio pa Tráfiko i Transporte a bini ku un proyekto piloto di un sistema digital pa plania un sita adelantá pa e doño di vehíkulo. E kriterionan ku a usa pa plania e sitanan aki ta lo siguiente:

- a. Bo fecha di vensementu riba bo 'keuringskaart' ta entre 9 di desèmber 2013 i 6 di yanüari 2014.
- b. Bo belasting di outo ta pagá te ku fin di 2013.
- c. Bo vehíkulo ta aktivo den nos registro di vehíkulonon. Por sosodé ku vehíkulonon, ku nan plachi di number a wòrdu entrega na Ontvanger, no ta den e registro aki.

Durante e siman di 2 desèmber pa 6 desèmber, a entrega un karta na kas di kada doño di vehíkulo den kual ta indiká e sita nobo pa kùr e vehíkulo. Riba di e dia di e sita, e kliente mester presentá, segun e ora indiká den e karta, na e departamentu di kùr ku 1) su vehíkulo, 2) karchi di kùr, 3) e sita pa kùr i 4) e montante pa paga pa e kùr. Por paga ku sèn kèsh òf por swipe tambe.

Si a kaso bo karchi di kùr ta kaduká den e periodo ariba menshoná i bo no a risibí un karta na kas òf bo no ta kumpli ku e kriterionan ariba menshoná, bo por yama e Servisio pa Tráfiko i Transporte na 839-2133. Pa kualke pregunta, remarke i/òf sugerensia por e-mail nos na info.vvrp@gobiernu.cw.

Medio desèmber lo manda e sitanan pa e luna di Yanüari tambe i asina ta kubri e periodo di yanüari te ku mart 2014. E proyekto aki lo kubri pues e lunanan di desèmber 2013, yanüari, febrüari i mart 2014. Nos ke enfatisá ku e responsabilidat di kùr na tempu ta keda pa e kliente.

Por sigui e último desaroyonan di e proyekto aki via di Minister Balborda su página Facebook 'Earl W. Balborda, Minister VVRP'.